



ՎԱՐԴԱՊԵՏԱԿԱՆ ԼԱՆՁԱԽԱՉԻ ՏՎՉՈՒԹՅՈՒՆ

Հունիսի 5-ին, հինգշաբթի, երեկոյան ժամերգութիւնից հետո, Վեհափառ Հայրապետը բարեհաճեց օրհնութեամբ և «Պահպանիչ»-ով վարդապետական լանջախաչ շնորհել Մայր Աթոռի երիտասարդ միաբաններ հոգեշնորհ Տ. Գրիգոր վարդապետ Եղիայանին, հոգեշնորհ Տ. Մեսրոպ վարդապետ Պալլանին և հոգեշնորհ Տ. Ներսես վարդապետ Պողպալյանին, նրանց բարվոք և ազնիվ ծառայութեանց որպէս հայրապետական գնահատութիւն:

Պարգևատրվածները, ծնկի եկած Իջման Ս. Սեղանի առաջ, իրենց հոգևոր Հոր ձեռքից պաշտօնաւորութիւն ստացան իրենց ապագա գործունեութեան ուղին և նպատակը խորհրդանշող լանջախաչերը, դրանք սրբութեամբ և հոգևոր արթնութեամբ կրելու ուխտով և խոստումով:

Այս ուրախ առիթով Վեհափառ Հայրապետը խաչազգեաց վարդապետներին խոսեց իմաստալից մի խրատական «Այլ մեք քարոզենցուք զխաչելեան Քրիստոս՝ հրէից գայթակղութիւն և հեթանոսաց յիմարութիւն» առաքելական բնաբանով:

Երեկոյան ժամը 7-ին, նոր Վեհարանում Վեհափառ Հայրապետը բարեհաճեց իրեն սեզանակից դարձնել Մայր Աթոռի ողջ միաբանութեանը:

Ընդունելութեան ժամանակ, խաչապսակ վարդապետներին ջերմորեն շնորհավորեցին գերաշնորհ Տ. Սահակ, գերաշնորհ Տ. Հայկազուն, գերաշնորհ Տ. Ասողիկ սրբաղանձները, հոգեշնորհ Տ. Վահան, Տ. Մուշեղ վար-

դապետները, հոգեշնորհ Տ. Արսեն, Տ. Նարեկ արեղաները և Մայր Աթոռի սարկավագները:

Պարգևատրվածները խոսք առնելով, որդիական իրենց երախտագիտութիւնն ու սրտագին շնորհակալութիւնները հայտնեցին Վեհափառ Հայրապետին՝ այդ բարձր և պարտավորեցնող պարգևի համար և խոստացան է՛լ ավելի եռանդով և նվիրումով աշխատել Նորին Ս. Օծութեան հովանու և ղեկավարութեան տակ՝ Մայր Աթոռի պայծառացման համար:

Հոգեշնորհ Տ. Գրիգոր վարդապետ Եղիայանը Հոգևոր Ծննդաբանի ավագ վերակացուն է և միաժամանակ անգլերեն լեզվի դասատու Ծննդաբանում:

Հոգեշնորհ Տ. Մեսրոպ վարդապետ Պալլանը Մայր Տաճարի ավագ լուսարարն է և կրօնի ուսուցիչ Հոգևոր Ծննդաբանում:

Հոգեշնորհ Տ. Ներսես վարդապետ Պողպալյանը Մայր Աթոռում մի շարք պատասխանատու պաշտօններ կատարելուց հետո, Վեհափառ Հայրապետի բարեհաճ կարգադրութեամբ մեկնում է Լոնդոն՝ 3 տարով հետեւելու աստվածաբանական դասընթացների:

«Էջմիածին» ամսագրի խմբագրութիւնը ջերմորեն շնորհավորում է խաչապսակ երիտասարդ վարդապետներին, մաղթելով, որ նրանք այսուհետև ևս լինեն իրենց ապագա ծառայութեան ասպարեզներում «մշակք առանց ամօթոյ», հուրախութիւն Վեհափառ Հայրապետի և ի մխիթարութիւն հայ հաւատացյալ ժողովրդի:

